

欽
定
全
唐
文

欽定全唐文卷六百三十目錄

呂溫六

傅巖銘

并序

望思臺銘

并序

成臯銘

古東周城銘

并序

三受降城碑銘

并序

祭說

南嶽彌陀寺承遠和尚碑

故太子少保贈尚書左僕射京兆韋府君神道碑
唐故金紫光祿大夫檢校兵部尚書使持節都督
秦州諸軍事兼秦州刺史御史大夫充保義軍
節度隴西經略軍等使上柱國彭城郡開國公
食邑二千戶贈尚書右僕射中山劉公神道碑
銘

欽定全唐文卷六百三十

呂溫 六

傅巖銘

并序

昔殷高宗恭默思道至誠動天天將報之以說爲瑞王在於寢降神夢中審形旁求實得於此曾不待敷奏以言明試以功脫刑人之衣被公衮之服授受之際君不疑臣不慚大哉邈乎殷之所以興也若非武丁之心同乎天地傳說之德通乎神明何感動訢合如此其易厥後惟文王以兆用太公自漁父而登國師白旄一麾光定天下抑其鄰

歟由茲而還莫不先顯後幽右資左德勒以漢秩束於周
行使特達自致之士無聞焉吁可歎也夫以天驥之才而
造父馭之則必翼輕軒凌高衢風翔電邁一日千里若制
非其人服非其車志權奇務牽束挫盛氣頓逸足使遵乎
循常之躅則終歲疾驅望駑駘而不及矣遇與不遇又何
疑哉嗚呼見賢非難知之難知之非難用之難用之非難
特達難君人者苟以特達爲心假無殷宗之夢必自得說
不然則雖使咎夔稷契盡入其庭亦葉公之見龍反疑懼
矣况氤氲之中乎恍惚之際乎貞元九年予自鎬徂洛息

駕於虞虢之間升墟瞰原髣髴其地遠跡雖昧清風若存
想說命三篇幾墮秦火百代之後德音如何乃作銘曰

赫赫湯德如日不滅滔滔商祚如海不竭發祥播氣世祚
聖哲國誕武丁野生傳說說始胥靡武丁卽祚德通神交
忽夢如悟若帝導我期於顓素有無之間邂逅相遇宵衣
而起爰得其人貌符心冥如舊君臣飛龍在天山川出雲
感激自致其間無因捨築傅巖脫鱗鵬升作霖時和奮楫
川澄金在吾礪木從吾繩君何言哉殷道中興元凱攀堯
微舜曷階阿衡要湯抱鼎徘徊會合之際厥惟難哉何如

夢中天授神開惟賢是登道貴特達匪次勿用才其壅遏
高宗得說乃在恍惚揭銘摘光萬古不沒

望思臺銘

并序

望思臺者漢武帝思戾太子之所建也事具漢書夫立人
之道本乎情性生而知曰性感而動曰情性雖生情情或
滅性是以聖人患其然而爲之節誠而明之中而庸之建
以大倫統以至順倫莫極於父子順莫先於慈孝然而全
之者正也慈不得其正則失子孝不得其正則失親救失
之術存乎善教昔者三王之教世子也如周公乃爲太傅

如召公乃爲太保如太公乃爲太師左右前後罔非端士
禮以專其目樂以一其耳仁以制其氣義以凝其情故非
僻之心無自入也讒慝之口莫能間也父子君臣之道所
以全也漢則不然世子非三代之賢保傅無二南之老左
右前後惟刑餘罪人目流於靡慢耳溺於滯氣溢於寵
渥情蕩於驕奢於是非僻之心得以入矣讒慝之口得以
間矣父子君臣之道所以離矣向使太子師友尊嚴左右
端肅雖江充之詐豈敢以不義而加之耶向使太子孝德
彰聞仁聲茂著雖武帝之惑豈遽以大逆而疑之耶向使

太子早服師訓少知教義豈忍一朝之忿棄其親而忘其身耶由是言之其所以陷於此者漸矣殆哉當時之勢也國亡冢嗣武老昭弱京師喋血天下疑動若無霍光受負圖之寄秉不奪之節斥昏建明鎮翊鴻業則必庶孽尋戈起商參之禍姦臣乘釁行羿浞之事漢家之祀豈及三七哉此有社稷者之所宜深戒也乙亥歲予經於湖登茲荒臺望古太息以爲遇夫一物有可以垂訓於世者秉筆之士未嘗闕焉乃作銘曰

人倫大統天性是寶雖曰自然亦資斧藻漢皇父子一失

其道四海爲家不能相保荒臺歸而千古之悲悔目空斷
冤魂不歸疑生於微禍積於基苟有明義誰其間之嗣維
邦本本動邦危於呼後王鑒茲在茲

成臯銘

芒芒大野萬邦錯峙惟正守國設險於此呀谷成塹崇巔
若纍勢軼赤霄氣吞千里洪河在下太室傍倚岡盤嶺蹙
虎伏龍起鎖天中區控地四鄙出必由戶入皆同軌拒昏
納明閉亂開理昔在秦亡雷雨晦冥劉項分險扼喉而爭
漢飛鎬京羽斬東城德有厚薄此山無情維唐初興時未

大同王於東征烈火順風乘高建瓴擒建係充奄有天下
斯焉定功二百年間大朴既還周道如砥成臯不關順至
則平逆來惟難敢跡成敗勒銘嶭頑

古東周城銘

并序

魯昭公三十二年周萇宏合諸侯之大夫城成周晉女叔
寬曰天之所壞不可支也萇宏違天必受其咎異歲周人
殺萇宏左氏明徵以爲世規俾持顛之臣沮其勝氣非所
以勵尊王垂大順也予經其地而作是銘

文武受命肇興西土周公作洛始會風雨居中正本拓統

三年至荊州玉泉寺謁蘭若真和尚荆蠻所奉龍象斯存
歷劫方契其幽求一言懸會於靈受愛從剃毀始備緇錫
昂然古貌森映高松真公南指衡山俾分法派越洞庭浮
湘沅息於天柱之陽從通相先師受聲聞具戒三乘之經
教四分之紀律八正之倫要六度之根源莫不更贊神機
遞歸心術聞京師有慈敏三藏出在廣州乃不遠重阻星
言覩謁學如不足求所未盡一通心照兩捨言筌敏公曰
如來付受吾徒用宏拯救超然獨善豈曰能仁俾依無量
受經而修念佛三昧樹功德劫以濟羣生由是頓息諸緣

專歸一念天寶初歲還於舊山山之西南別立精舍號彌陀臺焉薙草編茅僅蔽經像居靡童侍室無斗儲一食不遇則茹草而過敝衲莫完而歲寒自若奉持贊嘆苦劇精至恒於真際靜見大身花座踊於意田寶月懸於眼界永泰中有高僧法照者越自東吳求於廬阜尊遠公教跡結西方道場入觀積旬至想傍達見彌陀座下有老比丘焉啟問何人答曰南嶽承遠願告吾土勝緣旣結真影來現照公退而驚慕徑涉衡峰一披雲外之塵宛契定中之見因緣昭晰悲喜流涕遂執摠衣之敬願承入室之顧大師

德因感著道以證光遠近聆風歸依載路於是大建法宇
以從人欲輪奐雲起丹刻化成走檀信於十方盡莊嚴於
五會香花交散鐘梵相宣火宅之煙焰皆虛憇海之波瀾
自定加以寶裝祕偈建幢於臺前玉篆真文揭碑於路左
施隨求之印以廣銷業累造輪轉之藏以大備教典勸念
則編牒於崕谷勵學則兼述於縑緇其欲人如身慈惠懇
至皆此類也大師峰栖木下六十餘年苦節真修老而彌
篤夙開戶牖久啟津途法界之尊重在焉天人之瞻仰如
是常陋處方丈志行平等食不重味寒不兼衣王公之珍

服盈廂毗庶之金錢布地莫不迴修佛事贍養孤老凡言
施者以是報之期頤將及志力無替早鐘會食到必先眾
夕磬虔念居恒達晨其克已練心慎終如始皆此類也大
厯末門人法照辭謁五臺北轅有聲承詔入覲壇場內殿
領袖京邑託法雲之遠蔭自感初因分慧日之餘光寧忘
本照奏陳師德乞降皇恩由是道場有般若之號貞元歲
某獲分朝寄廉問湘中近照德輝獲探眾妙况靈嶽直午
先皇本命宜有上士斯焉護持表求興崇詔允誠願臺雖
舊號其命維新寺由是有彌陀之額度生二七會供千人

無生禍心聳威馴恩禽息荒外安固萬代術何加焉敢勒
銘城隅庶儆復隍而光烈不昧銘曰

韓侯受命志在朔易北方之強制以全策亘漢橫塞揭茲
雄壁如三闕龍躍出大澤並分襟帶各閉風雷俯視陰山
仰看昭回一夫登陴萬里洞開日晏秋盡纖塵不來時維
韓侯方運神妙觀釁則動乃誅乃弔廓乎窮荒盡日所照
天乎未贊不策清廟我聖耀德罷扃北門優而柔之用息
元元曷若完守推亡固存於襄於夷永裕後昆

祭說

呂和叔曰祭先之禮自天子至於庶人節文名物差等雖繁然以禮事親其義則一寢廟雖不崇而修除不可不嚴牲物雖不腆而享饗不可不親器皿雖不備而濯漑不可不潔禮雖不得爲而誠意不可不盡故齋宿薦徹致愛與恭豈可徇流俗燕褻之常同鄙陋不經之事然雖未能方古亦當略舉春秋之薦旬日具修三日齋戒務在躬親誠潔而已近世祭多及旁親雖近愛而無義禮惟殤與無後始祭於宗子家自餘祭皆爲祭非其鬼蓋致隆祖者不得不然士大夫止當祭五祀耳山川百神皆國家所行不可

得而祀近世流俗妄行祭禱黷慢莫甚豈有受福之理哉
水旱之災止可相率祈禱里社至誠齋潔奠以酒脯可也
若妄行望祀合聚羣小喧呼鼓樂非士君子所宜爲

南嶽彌陀寺承遠和尚碑

原夫法起於無色生於妄求離於色者未得皆空徇念於
無者斯爲有著也是以至人心無所念念無所求利未動
而誰安本不然而何滅然而利根難植頓詣罕聞不有舟
梁孰宏濟度匪因陞級莫踐堂塗必在極力以持其善心
惠念以奪其浮想不以身率誰爲教先誰能宏之則南嶽

大師其人也師諱承遠漢州緜竹縣謝氏之子積修妙性
宿起冥因乘報現身應期宏道自天鍾美因地稟靈七尺
全軀峨岷與瞻敬之狀九漏懸解江漢資清淨之源殊相
夙成隱照潛發甫志學始遊鄉校驚禮樂之陷阱覺詩書
之桎梏忽忽不樂未知所逃俄有信士以尊勝真言質疑
於學怡然聳聽宛若前聞識契心冥神動意往遂涕訣慈
顧行徇幽緣初事蜀郡唐禪師禪師學於資州詵公詵公
得於東山宏忍堅林不盡祕鍵相傳師乃委質僮役服勤
星歲旁窺奧旨密悟真乘既壯遊方沿峽東下開元二十

三年至荊州玉泉寺謁蘭若真和尚荆蠻所奉龍象斯存
歷劫方契其幽求一言懸會於靈受愛從剃毀始備緇錫
昂然古貌森映高松真公南指衡山俾分法派越洞庭浮
湘沅息於天柱之陽從通相先師受聲聞具戒三乘之經
教四分之紀律八正之倫要六度之根源莫不更贊神機
遞歸心術聞京師有慈敏三藏出在廣州乃不遠重阻星
言覩謁學如不足求所未盡一通心照兩捨言筌敏公曰
如來付受吾徒用宏拯救超然獨善豈曰能仁俾依無量
受經而修念佛三昧樹功德劫以濟羣生由是頓息諸緣

專歸一念天寶初歲還於舊山山之西南別立精舍號彌陀臺焉雜草編茅僅蔽經像居靡童侍室無斗儲一食不遇則茹草而過敝衲莫完而歲寒自若奉持贊嘆苦劇精至恒於真際靜見大身花座踊於意田寶月懸於眼界永泰中有高僧法照者越自東吳求於廬阜尊遠公教跡結西方道場入觀積旬至想傍達見彌陀座下有老比丘焉啟問何人答曰南嶽承遠願告吾土勝緣旣結真影來現照公退而驚慕徑涉衡峰一披雲外之塵宛契定中之見因緣昭晰悲喜流涕遂執摠衣之敬願承入室之願大師

德因感著道以證光遠近聆風歸依載路於是大建法宇
以從人欲輪奐雲起丹刻化成走檀信於十方盡莊嚴於
五會香花交散鐘梵相宣火宅之煙焰皆虛慾海之波瀾
自定加以寶裝祕偈建幢於臺前玉篆真文揭碑於路左
施隨求之印以廣銷業累造輪轉之藏以大備教典勸念
則編牒於嵯谷勵學則兼述於縑緇其欲人如身慈惠懇
至皆此類也大師峰栖木下六十餘年苦節真修老而彌
篤夙開戶牖久啟津途法界之尊重在焉天人之瞻仰如
是常陋處方丈志行平等食不重味寒不兼衣王公之珍

服盈廂毗庶之金錢布地莫不迴修佛事贍養孤老凡言
施者以是報之期頤將及志力無替早鐘會食到必先眾
夕磬虔念居恒達晨其克已練心慎終如始皆此類也大
厯末門人法照辭謁五臺北轅有聲承詔入覲壇場內殿
領袖京邑託法雲之遠蔭自感初因分慧日之餘光寧忘
本照奏陳師德乞降皇恩由是道場有般若之號貞元歲
某獲分朝寄廉問湘中近照德輝獲探眾妙况靈嶽直午
先皇本命宜有上士斯焉護持表求興崇詔允誠願臺雖
舊號其命維新寺由是有彌陀之額度生二七會供千人

中貴巡香守臣視饌瑤圖花捧寶字煙開寵降九天暉映
三界師亦建不壞之塔以壽君親修無邊之功以福邦國
梵王之能事畢矣法門之榮觀備矣貞元十八年孟秋旣
望顧命弟子申明教戒掃室趺座恬然化滅報齡九十有
一僧臘六十有五先是忽告門人曰國土空曠各宜勉力
數月而災火梵寺周歲而吾師解形此蓋寶去山枯龍移
水涸空曠之旨乃明前知法衆崩慟若壞梁木邦人號赴
如失舟航以其年九月七日還神於寺之南岡卽安靈塔
教也前後受法弟子百有餘人而全得戒珠密傳心印者

蓋亦無幾比邱惠詮知明道偵超然等皆奧室之秀者以
瞻奉將遠經行坐蕪永懷於極見託碑紀移有道於物外
真無愧詞比遺愛於人間誠當墮淚銘曰

浩浩清塵茫茫逝川大雄作矣救物爲先能明大教非師
有緣不宰功立志機智全誰其宏之南嶽命代習識虛受
應身圓對理則歸空教惟不昧末搖本靜行苦神泰雲跡
一滅天星六周熱惱就濯童蒙來求攝以尊念驅之力修
我法有戶誰能不由甘露晨稀香雲夕卷彼岍方濟慈舟
忽遠鑪煙如在塔樹勿翦刊勒豐碑永想正眼

故太子少保贈尚書左僕射京兆韋府君神道碑
山之大者匿峰巒含氣象積高無倪而不見其險孕粹有
物如不知其神此其所以爲大也德之全者毀圭方黜皎
厲靈機密運而智不驚愚遐標特立而迹無變俗此其所
以爲全也然則泰山高而可陟全德近而難知我求其倫
見之於少保公矣公諱某字某京兆杜陵人其先帝堯光
宅讓德儲慶建國命氏列於夏商相胄卿族繁於漢魏代
濟不殞煥焉盛門大王父諱某皇朝主客郎中萊濟商三
州刺史王父諱某倉部郎中太原少尹贈祕書監烈考諱

某檢校都官郎中嶺南節度行軍司馬贈同州刺史或以
瑚璉之器纔施郡政或以巖廊之姿僅及戎佐與時俱息
從道而汙屈不試於當年啟莫京於身後公生而岐嶷弱
而老成渾粹不散清明虛映朱絃遺音而宮商自韻大圭
不琢而符彩溢發邈矣天爵爛乎人文鼓鐘之聲日遠鄉
曲之譽來逼釋褐太子正字與仲弟正卿以賢良偕徵策
入異等冥鴻雙舉當代榮之授高陵主簿遷監察御史改
殿中內供奉東都留守判官卽拜東臺殿中侍御史參畫
惟允持繩不回河洛之間風聲尚在德宗躬決庶政本於

尚書責成曹郎綜練材實薦出方伯時超貳卿二十年間
斯爲極選公由是前後遷刑部吏部員外郎吏部郎中奏
議推美彌綸成績南宮之故事存焉於時戡復日近勳勤
者眾都市情游盡垂金組邦畿豪奪半賜丹書輕禽逸於
疎網悍馬駭於柔轡上思懲抑必假良能公由是前後歷
奉天長安二縣令仁護鰥惇智鈴豪右輿人之道詠在焉
望由實濟任以望重選曹未幾遷給事中旣居駮正之司
不撓當官之論屬東南歲歉俾乂惟難出爲常州刺史天
寶之後中原釋耒輦越而衣漕吳而食一隅重困五紀於

茲公臨之清貞結以忠恕固存惠寡務嗇勤分一法以去
其侵漁多方以備其災患以逸道而使繕完允濟以與道
而取賦入先期聲聞天朝考績連最轉蘇州刺史二境之
間百里而近靈源自出殊派共清膏澤所需異壤同潤下
車期月報政如初加秩賜金借留累歲無何彭沛喪師兵
驕地偏安危所繫朝論難之乃以公檢校祕書監兼御史
中丞賜紫金魚袋充徐泗節度行軍司馬重其威望將委
旄鉞而未命程伯徐方之軌旣同不見賈生宣室之徵遽
至擢吏部侍郎倫品甄明通簡節適勢有探湯之熱我以

靜濯衆有鼓簧之喧我以心聽馴致其美閤然日彰不求
無失職之人人自以爲不失職矣輟拜京兆尹德刑交修
寬猛相濟匪設鈎距物無遁情匪曜鋒鋟機無滯斷浩穰
之理不肅而成不求無不欺之吏吏自以爲不能欺矣俄
改太子賓客辭劇就閒圖南之勢一息選德求舊居東之
命惟重遷檢校工部尚書兼御史大夫充東都留守東都
畿汝州都防禦使自盜起幽陵兵屯諸夏涉淮而北軍國
異容分陝以東古今殊寄公講信修睦外張保釐之政完
備訓戎內寓折衝之令矛戟不露德耀藹然遐邇頓首以

承風強暴革心而知懼今上嗣統就加檢校吏部尚書方
入諧僉屬毗贊大化不幸嬰疾表求退頤優詔除太子少
保冀其休復將有後命神祇竟昧藥禱無真以元和元年
三月十二日薨於東都履信里之私第享年六十有四寵
贈尚書左僕射轡車西歸制使賻弔太常褒議諡曰某公
哀榮備矣夫人河東裴氏侍中耀卿之孫給事中臯之女
德門鍾美淑問充塞薜華早落著兆叶期卽以是年五月
二十一日合葬於萬年縣高平鄉少陵原禮也公孝悌天
至行有餘力仁義性德匪俟服膺不飾表以近明每縱心

如中矩清虛簡淡而應物不倦通曠夷易而及門無雜不
尚意氣而然諾篤志不好臧否而鑒識超倫與故相國齊
江西映穆宣州贊贊弟侍御史員爲文章道義之友可以
視其所親矣今吏部郎中扶風竇羣抗迹毗陵退身進道
公三揖郡榻之上振天墀之下不數歲間蔚爲重器可
以視其所與矣分正東郊開府辟土則有今右司郎中燉
煌段平仲倉部員外郎安定皇甫鏞禮部員外郎清河張
賈洎京兆尹韋詞隴西李景儉中山衛中行平陽路隨皆
羣彥之秀出一時之高選可以觀其所任矣加以志尚幽

遠冥搜好古所居第必有松石之致退公暇日常以圖籍自娛一字愜心金玉不顧片言同趣布褐無間疊疊然若見道之所存陶陶然不知歲之云晏於戲策名從事四十餘年朋友罕聞得喪之言家人莫見喜愠之色坦懷以處推分而行無怨於人人亦無怨無猜於物物亦無猜履信順以優游保福祿而終始其名教之大雅者歟有九子長曰元質前常州義興縣尉次曰穀前邠州司倉次曰璋鄉貢進士能修詞立誠克家致美茂揚風訓休有令聞其次某某皆殊資異識登於童齡慶善之餘也以某獲窺墻仞

見託篆述究賢人之業信而無愧申孝子之志直而不文
其詞曰

利建於商介圭作寶爰立於漢緇衣改造克昌厥允奕世
載考亞尹擅名郎中懷道莫躋貴仕莫享難老蘊靈儲休
以啟少保丕顯少保其德惓惓有綽遐姿曠哉靈襟顯仁
山立藏用淵沈煦如冬陽藹若春陰白圭三復克保明心
黃鐘九變莫匪和音靜專動直謙進柔克宜踐公輔以楨
王國促路頓軌中天墮翼少陵右原拱樹寒色窮壤可敝
唯名不失金石垂之以慰罔極

唐故金紫光祿大夫檢校兵部尚書使持節都督
秦州諸軍事兼秦州刺史御史大夫充保義軍
節度隴西經略軍等使上柱國彭城郡開國公
食邑二千戶贈尚書右僕射中山劉公神道碑

銘

武有七德以先九伐聖王所以經邦也戰有六器以先五
兵賢侯所以述職也然德威並運仁勇相宣功業見乎禮
義之門將帥出乎詩書之府若有覽古成敗與時行藏道
惟忠貞權利變化兵機生於盡性師律本乎修身飾怒之

鉄鉞有歸當仁之壇場不讓考諸名實何代無人公諱瀛
字某其先帝堯之允事夏后者曰累隨會之子處咸陽者
爲劉秦滅六雄遷於豐沛漢有四海別封河朔公卽孝景
帝子中山靖王勝之後也遭晉喪亂流寓幽平舊燕趙之
朝不絕如綫十一代祖後魏尚書左僕射燕郡公靈助始
有大功建茲元社遂爲范陽人焉厥後逶迤世有潛德詳
在家牒略而不書曾祖特進檢校司衛卿臨洮軍使贈宋
州刺史諱宏遠恢持重之姿撫寧洮罕王父特進檢校右
金吾衛大將軍太常大斗軍使贈揚州大都督諱貢厲摧

堅之氣震疊互羌烈考開府儀同三司幽州大都督府長
史帶正省兵吏刑戶四尚書左右僕射平章事兼御史大
夫幽州盧龍軍節度使累贈太師太保諱忬以正有功以
寬得衆書伐盟府擁旄本邦於戲以二特進之志略用而
不貴以太保之忠勲貴而不壽水積而深縱壑之鱗躍風
積而厲垂天之翼奮慶靈久鬱必有勃興公卽先太保之
次子今侍中之介弟伯也嗣職幽都仲也揚威隴坻虎旂
龍節交萃於一門開國承家並登於九陟倬絕天下輝動
人倫勃焉之興斯可信矣公長源濬發自天鍾美直尾箕

之下別稟精英生岷嶓之間得其全氣顯仁藏智勤孝樸
忠大略小心寡言敏行虎抱嵯屈莫能象其深沈鶚聲青
冥未足擬其超遠幼挺奇節長有雄姿森武庫之鋒鋷錯
文昌之光色悅禮之別惇詩之和觀易象之元得春秋之
正申商之法撫實而除苛孫吳之書取權而去詐行有餘
力則遣詞比興多中於雅音材之旁通則騎射劒擊皆窮
其妙用真所謂多能博識允武允文者也公弱冠之歲朱
滔敗歸幽陵狼顧未定先太保時爲行軍司馬用公之策
與滔定計戢兵徹警洗疊歸誠致父於曲突之勳拯人於

墜塗之難由是山東侯伯始聞其名是歲孟秋滔卒於鎮
幽人懷德推奉太保方執謙志未允誠求公以爲幽燕本
負氣之鄉豪傑陷失節之地自新無路從亂如歸安危生
於俯仰逆順決於指顧權必有濟不可以假人貴不爲榮
豈嫌於在已趨庭諍諭決策指麾正頽波於衆心迴白日
於王命重氛載廓闔境昭蘇由是漢庭公卿始重其節太
保旣嬰危疾侍中時鎮莫州公總兵中權嘗藥內寢弛張
在手上下宅心而見利不回臨事能斷推至公於門內度
德惟鈞申大義於軍中以長則順於是陟崗長望飛駟潛

迎勸輟哭於創巨之晨託理命於綱紀之僕軍府立定家
國又安然後退就喪廬而泣柴毀三軍感歎四鄰聳慕子
之道弟之道備矣孝之難友之難至矣旣而侍中泣曰金
華無避吾豈獲已手足相衛爾何自安遂奏起公爲涿州
刺史未幾轉領瀛州東負滄海南馳諸夏地饒俗雜久號
難理公乃簡其約束峻其隄防均其有無一其勞逸心聽
而方斷身踐而後言令下於流水之源化行於偃草之勢
盜奔他境人復先疇亦旣富庶聿觀禮讓日用吾道於何
不臧其年兼御史中丞充本道節度瀛州兵馬留後又兼

御史大夫行軍司馬丁越國夫人憂至性繼酷終天窮感
杖而後起殆不勝喪軍士泣留王人逼諭起復舊職敬恭
新命孝在方寸能盡其哀政有典刑不愆於素服闋加銀
青光祿大夫餘如故公高視前代志齊古人疾沒世不稱
之徒慕其次立功之義見去病無用家爲卷常三復聞耿
弇不以賊遺坐惜分陰必欲懸旌黑山飲馬西海氣定百
勝身先七擒討冒頓之慢書復犬戎之侵地有懷未果若
恥在躬爰因大閱乃告於眾曰吾剖符別統行已十年訓
齊之士不下一方而靡衣鮮食銷銳剗鋒徒籍父兄之資

莫申絲髮之效永言及此何以爲容且東胡之強吾兄旣
雄其式遏西醜之類鄙志必期於殄殲一家勤王萬里同
力遊於地下無負先公誰居誰行吾計決矣於是七營四
校一呼三躍童兒奮臂女子褰裳奏章朝下牙旗夕出轂
騎八百組甲五千次舍案部周旋成列雲鳥遞引龍蛇相
追夜度關而不囂晨涉川而如貫加以羸糧自給假道無
煩厯百城而饋餼皆辭居一夕而牆宇必葺憩林適去墜
果猶存徑由疾趨滯穗不犯軍容之整故老莫傳自燕抵
秦扶路瞻歎初公躬率將士以先啟途夫人撫其妻孥別

次繼進爰自建旆迄於解鞍行不接塵上不通問元帥去
裘蓋之逸小君罷膏沐之容在樵蘇而必親歷寒暑而無
替雖古名將未之能行德宗備禮勞迎虛襟相待一見升
殿目送傑人之姿三接論邊心許成君之事卽日拜秦州
刺史兼御史大夫充隴西經略軍使割扶風之普潤縣以
處之倚爲長城鎮我近輔羽儀鼓吹等西夏之雄藩屢
資糧同北軍之寵士而猶未賜齊履不拜漢壇抑爲偏師
所以觀自致之效假領僑郡所以激必取之心先皇將將
厥有深旨公由是感悟神動精誠涕流荷知臣之明思求

已之報砥礪壯節激昂雄圖而地狹一同衆纔十旅偏介
塞垣之下崎嶇山谷之間因深爲隍卽險增壘翦蓬伐木
以立營署鑿石墾草以開屯田俸祿不入於私家子弟必
從於公役縑緇之尋尺咸在軍裝金鐵之錙銖盡歸兵器
無歌僮舞女之玩而講訓爲娛絕良鷹異犬之求而驍果
是務加以推誠待下愛士如身視疾臨喪輿廝必至字孤
養老骨肉何先遂令千夫一心積感恩奮名捐軀而唯恐
後死未見敵而爭爲前登公曰衆知吾深其可用也於是
馳使闕下請牧隍中出自凶門入於死地衽席過兵之處

咽喉制敵之衝威懷啟閉之方耕戰疾徐之節莫不封章
定計裂素成圖德宗覽之廢食興歎屬戎渠悔禍朝議許
盟至誠達而允孚全策知而未用失機緩寇雖負於雄心
違命有功且非其雅志爾乃慎固封守掩抑歲時獮狩蒐
苗以寓軍政拔拒投石以攄士憤櫪馬待騁夜風起而長
鳴匣劍有靈秋氣來而自動感物興慨可勝言哉然而十
五年間烽燧無警數千里內兵防倚重志雖不獲賴則有
餘篆跡圖形我無愧色况又敦尚儒學慕親賢才其妻子
食淡而賓膳豐珍居室安卑而後館華峻風聲所及日月

繼至觀夫危冠大帶雜於介冑之間春詠夏弦不改膠庠
之樂光名四達固有由焉貞元二十一年順宗嗣統中外
增級就加檢校工部尚書崇陵晏駕之初太上傳歸之際
公嚴兵近服警衛公室擒摘姦黨黜遏邪謀人心不搖國
隳遂閉流公妙簡祕莫得聞帝嘉厥誠手製褒諭珍裘寶
帶文馬雕弓以將殊恩不可勝竿明年秩進武部封啟彭
城建保義之雄名益良原之重累知始賜節鉞許之專征
爰承寵靈得以入覲鑾聲戾止庭燎有輝縟禮繁錫率加
恒數然後詣便殿奉溫顏訴先朝未展之謀陳西疆必復

之志膝馬虛納指期決行旋鎮歲餘不幸遘疾猶能籍士
馬封府庫表請新帥輦歸京師天惠寇讎奪我忠武以元
和二年十二月日薨於岐山縣之行次享年四十有九皇
上震悼廢朝徹樂未伺子明之疾遽迎任虜之喪愍冊極
詞法賻優等贈尚書右僕射諡曰景公以三年十月日列
簫鼓虛儀賜溫明祕器卜兆十里會車千乘葬我景公於
萬年縣之少陵原備哀榮也夫人河東柳氏某官某之孫
某官某之女清門華冑媚德馨行輔佐君子蔚爲時禎撫
訓諸孤繼立家道二南所美無以尚之有子五人長曰銳

朝議太子洗馬周旋經訓斧藻身文確有端操雅多奇略
有識之士知其大成次曰師貞前右武衛倉曹參軍次曰
師禮前商州司倉參軍次曰稅前欽王府參軍次曰兌門
子出身杞桂殊姿而共芳珪璋異質而同潤百祥之慶其
在茲乎洗馬等相與謀曰夫步星氣者無出於馮相之官
考鐘律者必求於伶倫之族我先人之業非志士不知以
某早纂功名常窺閫奧辨用心之所至識行事之會歸俾
垂斯文以示來哲銘曰

至精氤氲爲勇爲仁將昭文德有此武臣猛而不殘靈而

能馴情厲秋霜氣含陽春源由堯興派自漢啟承光祖考
致美兄弟通刑練政達樂知禮行歸有方用入無體中襟
湯湯應變弛張開則雷電閉爲金湯能求敵情善用已長
威不可犯惠不可忘靜言未賓忠憤慷慨翻翻燕海固護
秦塞車無停軌衣不解帶勤王萬人瞻我大旆左汧右涇
克壯其聲目盡西極塵沙不驚行人如歸戰士且耕隴首
烽斷原川草生方提金鼓振國威武建銘赤山恢復舊宇
促運僭奪奇功莫覩歿而不瞑足感明主詔葬九原寵昭
幽魂介士班劍送於都門草陳霜來樹拱煙昏萬物有盡

唯石獨存

欽定全唐文卷六百三十一目錄

新文藝出版社藏書

呂溫七

廣陵陳先生墓表

唐故福建觀察巡官前侯官縣尉東平呂府君權

殯記

大唐故紀國大長公主墓誌銘

故唐太子舍人李府君夫人滎陽鄭氏墓誌銘

故河中節度使檢校司空平章事杜公夫人李氏

墓誌銘

銀青光祿大夫守工部尚書致仕上柱國中山郡

開國公食邑二千戶贈陝州大都督博陵崔公

行狀

謁舜廟文

華山醑王景畧墓文

代宰相祭故齊相公文

代齊常侍祭樊襄陽文

祭陸給事文

祭座主故兵部尚書顧公文

衡州祭者里渡溺死百姓文

道州祭百姓鄧助費念文

祭侯官十七房叔文

欽定全唐文卷六百三十一

呂溫七

廣陵陳先生墓表

有唐貞晦先生廣陵郡棠邑鄉陳君曰融無字享年七十
有二遊不出鄉考終厥命嗚呼至哉良玉雖白不受采醴
泉自甘非有和真色纈密丹青無自入也靈味天成麴蘖
無所資也故先生長而不學大樸不通乎輪轅至音不諧
乎宮商曲直渾成巧匠莫能材也清濁一致伶倫莫能器
也故先生老而不仕地虛而踐則有跡器疎而扣則成聲

我踐惟實跡不可得而見也我扣惟密聲不可得而聞也
故先生沒而不稱若夫爲養克孝居喪致毀事亡如存朋
友孜孜兄弟怡怡於鄉恂恂與物熙熙天性人道其盡於
茲何必讀書然後爲學知命是達怡神爲榮樂天忘憂自
寵不驚貴我以道此非爵乎富我以德此非祿乎何必入
官然後爲仕我有信順自天祐之我有正直神之聽之謂
天蓋高亦旣知矣謂神蓋幽亦旣聞矣何必俗聲然後爲
名大哉先生行不學之道據不仕之貴負不稱之名達人
觀焉斯亦極矣予貞元初寓居是邑言歸京國道出其鄉

始見一鄉之人父義子孝長惠幼敬見乎詞氣發乎顏色
不聞忿爭之聲不見傲慢之容雍雍穆穆甚足異也因揣
之而歎曰芳蘭所生其草皆香美玉所積其山有光此鄉
之人豈必盡仁其必有賢者生於是矣遂停車累日周訪
故老果曰吾里嘗有陳融孝慈仁信不學不仕鄉人見之
皆自欲遷善遠罪亦不知其所以然今也則亡清風猶在
予於是慨然痛先生以純德至行沉落光耀官闕軾廬之
禮士無表墓之文知而不書我執其咎乃披典校德謚曰
貞晦先生窮徵其實建石於路用告將來之有識者云爾

唐故福建觀察巡官前侯官縣尉東平呂府君權

殯記

府君諱沅字君夢河東人祖崇嗣高尚邱園不應徵辟考從之皇朝左贊善大夫府君性重厚寡言志於文學而炫耀尤好神景化之事雖迫親故時或從人而焚香鍊氣常澹如也與從子某少同遊處有疏阮之契洎某出守湘中府君以山水之樂遠來依憩不幸遇暴疾元和五年七月二十二日終於衡州官舍於戲知命之年未娶無嗣家童護奠旅櫬單歸追懷平昔何可勝痛以其年十月某日權

厝江陵城北某原以須通歲歸祔松檟姑具時日記於此石云

大唐故紀國大長公主墓誌銘

公主諱某字某睿宗大聖真皇帝之曾孫元宗明皇帝之孫肅宗宣皇帝之第二女也皇唐駿啟成明再造生人定四海以爲家統三靈而傳慶介圭作瑞外強磐石之宗湯沐疏封內廣關雎之化蘭芬玉振垂二百年公主女宿降神坤元毓粹荷文武之餘烈資任姒之積德稟靈胎教麗浦之生夜光鍾美天姿綵雲之捧朝日生知信順長習詩

禮士女之行有聞必踐保姆之訓不肅而成乾元二年年
若干許筭從周築館於魯輜輶將其百兩環珮出乎九重
以降於駙馬都尉滎陽鄭君曰某官至特進左散騎常侍
博學能文善交好施門多長者之轍室有聖人之書朝野
欽嘆名聲籍甚公主輔佐君子周旋禮經盡志以奉舅姑
降心以諧姻族夙興夜寐能服澣濯之衣殷祭大賓必躬
蒞藻之事恒自砥礪未嘗以簫歌廢日動循法度曾不以
嘖笑爲容事叶母儀言成內則考諸圖史罕見其倫泊乎
曳杖晨歌帷堂晝哭誓栢舟之志盡祛繁華洗清蓮之心

坐歸空寂一男曰某茂學懿文夙成時秀選尚順宗次女
普安長公主拜駙馬都尉秘書少監其擇鄰之義篤歟一
女字某淑質妙工婉爲邦媛適將作少監武功蘇某其結
縞之戒明歟於戲以順成之德柔立之操茂正家道宣美
國風厯奉五朝殆將六紀賜金之外無恃寵以私求食租
之餘不與人以爭利淑慎吾止聿觀厥終信戚里之高標
天人之秀出者也宜其崇享五福遠逾三壽輔時陰教爲
國女師竟昧與善忽焉遘疾御醫馳診陰陽之殺已深中
使相望藥禱之誠無及以元和二年九月十二日薨於長

興里之私第享年若干少監駙馬痛殷創巨杖起成喪以
三年某日月哀奉裳帷合祔於某縣某原先常侍之舊塋
禮也以某學於

原缺

舊見託斯銘姑閱之盛疑其文曰

奕奕紀國發祥聖源祖武宗文父乾母坤肅宗愛女元宗
貴孫倪天之妹大厯加恩問我諸姑實惟貞元迄於我皇
聖敬彌敦紀國之德如玉其溫紀國之慶如何渾渾哲夫
令望身歿道存有子克家鳴玉晨昏冢婦之貴普安在門
人生極休胡可勝言禮爲藩兮儉爲寶神所勞兮宜壽考
儼高堂兮去何早風白楊兮露秋草出青門兮墓田道鏤

德音於沉礎傳風樹於遺老

故唐太子舍人李府君夫人滎陽鄭氏墓誌銘

夫人諱字滎陽人鄭於姬姓最親爲天下著族自秦漢至於皇朝萋蕤軒冕耿曜圖史如洪河東導江漢其源流不待問而可知矣高祖守元朝散大夫襲丹徒公曾祖嘉會朝散大夫雅州司馬大父瞰正議大夫金衢二州刺史嚴考欽英朝議郎杭州別駕皆以天爵屈於人事滋慶羨美實生夫人夫人始生辨物而智能言而信旣笄而知禮有行而制義性與天成質無表飾冲靈虛寂和氣交暢不嚴

厲而婦道自著不整峻而母儀有嚴實柔德之黃中壺闈
之盡善者中舍府君出自我睿宗讓皇帝之孫漢中王之
子乃於鐘鼎寶玉之間傑立雅尚文學政事龜龍摺紳而
夫人躬蘋藻服澣濯去華斲雕激清守素輔佐將順實有
力焉晝哭之後訓成諸子長曰景儉負王佐之才探聖人
之奧磅礴秀氣拔乎其倫次曰景儒景信景仁皆文敏絜
修保家良主有以見夫人明裕善教繼成義方宜其及公
侯必復之時享春秋以貴之慶聞天子歎息見公卿升堂
而時命不偕與善茫昧景儉有捧檄之役夫人從養於越

州以貞元十九年終於官舍降生五十有四景儉等以某
年十一月一日號奉裳帷祔於京兆富平縣萬壽原之舊
塋從周禮也以某辱久要之契俾稽懿實敬爲銘曰

周受成命鄭爲戚藩以國命氏鬱聞德門緇衣垂芳滎波
發源爲杞爲梓爲蘭爲蓀杞梓惟何卿材克紹蘭蓀惟何
女德之妙抑抑夫人自他有耀玉度旁達泉心內照和順
積中高明有融輔佐君子與道始終族姻成化慈儉爲宗
讓帝之後門生素風宜及子貴以榮教義如何高堂奄忽
違棄萬歲原上松楸永秘惟命罕言德音無愧

故河中節度使檢校司空平章事杜公夫人李氏

墓誌銘

粵元和三年歲在八月某朔某日河中晉絳等州節度使
檢校司空平章事邠國公夫人趙郡李氏薨於公宮之正
寢享年若干有子五人長曰載河南府功曹參軍次曰翁
歸前太常寺奉禮郎次曰寶符前河南府參軍次曰義符
宏文館明經有女二人長適監察御史武功蘇德輿次適
故相國崖州員外司馬京兆韋公執誼命載等以其年十
月某日奉輅車裳帷備春秋葬君夫人之禮卜定於某縣

之某原俾門下士刑部郎中兼侍御史東平呂某著之於
誌李著姓也其因生啟允之始若暘谷出日岷山導江光
流派別百代可見趙之東祖尤貴州鄉纓組蟬聯布在家
牒太宗革昏隋室毓德秦邸哀衣侍學十有八士夫人之
高祖天策府倉曹參軍曰守素在焉與申公士廉刊定氏
族該明條貫天下宗之大王父稷山令諱延祖王父趙城
丞諱仲將考苑邱令諱映皆以懿文通經雅度清節卒負
天爵淪於下寮泌之洋洋亦流愷悌夫人卽苑邱府君之
第五女也積善餘慶未歸後嗣自他有耀女德挺生常山

炳其陰靈大陸資乎秀氣在娠而卜光有貴繇垂髮之歲
蔚其德容蘊沉明之識含柔立之操生知敬愛性合圖史
顧復長之如滋芳蘭之易茂姆師教之如琢美玉之易成
也年甫二十歸我邠公爰自綠衣至於陶翟率履一貫星
紀四周盡瘁德義之門輔建公侯之業祭服非手出不薦
賓饋非躬具不陳非門內之事不詢非女工之物不視言
契詩教動歸禮防不失信於兒童無情容於閨室撫寧孤
賤膏雨之霑濡叶比宗姻陽春之感暢式是家道刑于國
風蓋母儀之高標內則之全致者已宜其風信順之祐邁

期頤之年抱孫高堂視子華髮而未躋中壽未極殊休輟
琴瑟於春堂委繁華於朝露莫訴之酷可勝言哉夫人始
封贊皇縣君進封真定郡君又爲真定夫人從夫之貴也
夫人始家蒲城司空委禽之日實參汾陽王軍事數十年
外來爲小君魚軒晝遊里閭如舊稀代之榮也嗚呼榮與
閼水俱逝貴與朽壤同堙唯柔芳與懿問貫終古而不泯
銘曰

仁爲源義爲藩啟華胄立清門代濟美兮娟清明嫿柔啟
月之出桃之華天鍾是兮容在禮言顧詩工務本德從宜

佐君子兮富而約貴而降宜象服封大邦邈未始兮榮何
晚落何先鬱遐慶摧中年惜神理兮遷於堂祖於庭篆幽
礎閼泉局永垂範兮

銀青光祿大夫守工部尚書致仕上柱國中山郡

開國公食邑二千戶贈陝州大都督博陵崔公

行狀

唐故銀青光祿大夫守工部尚書致仕上柱國中山郡開
國公食邑二千戶贈陝州大都督博陵崔公曾祖諱承福
皇朝太中大夫廣越二府都督祖諱先意皇朝朝議大夫

鄧州刺史父諱巘皇朝朝議大夫鄭州長史贈左散騎常侍

狀斧藻天理立爲人極敬終端本彼所以將就誠明褒歿勸存此所以砥礪名教然而以道行已晦而彌光大君子之行也以法考行直而無黨賢有司之職也且曰獻狀則惟所知公諱淙清臧而和博厚而敏岐嶷而夙茂羈邕而老成情約性充靜專動直出入孝悌周旋忠信始以經明上第調佐夏陽次以詞麗甲科超尉王屋事迫於官而舉言迫於事而揚欲藏智而蒙滯來求不近名而聲華見逼

故相左僕射張公時尹洛京首得才實洎鎮荆蜀致於幕
庭再兼理官專領記室捷筆良畫三邦有聞旋邁內艱毀
瘠僅立善居得禮族黨稱之免喪之歲天子南狩大尉西
平王大會兵車將圖匡復公首膺辟命濬發義心琴未成
聲屢及於路感激而將星芒怒謀謨而兵祲廓清翠華旣
還優典斯及拜殿中侍御史時有寵臣爲京兆者政以暴
聞吏有冤弊公表陳枉直伏閣待旦言忠主悟事寢風生
以繩違稱職轉侍御史以求瘼慎選爲華原令大兵之後
旱歲爲虐公勞徠不倦弛張以宜復流庸於潤屋闢曠土

爲多稼俄改歙州刺史地雜甌駱號爲難理下車而簡其
約束期月而明其信誓然後破散谿聚剪鋤山豪旣去害
羣之奸遂寧挺險之俗徵拜長安縣令威聲先路不肅而
理銑刃餘地所投皆虛擢同州刺史圖歎於豐量賑爲糴
號里倉者三百所而凶年備矣戒以暴骸諭之速朽滅薄
塋者九百家而奢俗懲矣羣人有豪奪鄉悖陰持莧失朋
構訟獄累政患之公斷以尋斧破其囊橐人樂其殺而法
制行焉郡城自禦寇之餘復隍殆盡朝貢所經夷夏何仰
公悅使襁負大興版築下不知役而局固立焉其餘則去

思有碑詳在篆述可覆視也朝議陟明遷於陝服封介晉
楚寄分函洛而戎備不修兵庫虛閉公乃鳩工以利器閱
實以練卒金革中度義勇知方旣而有淮西之役晨命暮
具凜然而可觀矣河出城下造舟爲梁經費傭工敗決相
繼公乃沉石而雙固中沚省艫而三分巨流水與意會勢
若天成旣而有奔濤之沴智勝功顯終然而無害矣其餘
則三降璽書就加爵秩是明徵也移疾入覲貳職冬官歸
載不過圖書留府盈乎粟帛豐公約私於是乎在旣至陳
乞以尚書致仕室不交要路之賓口不言當代之事就陰

委順談者多之公自解巾至於撤樂思不踰矩動無越思
以忠貞爲仕模以勤儉爲家訓身居侯邸清節如初男降
王姬素風愈勵羈孤聚室人各忘其亡布褐分庭士不知
其貴體溫柔而事至能斷性坦易而物莫能窺當官不務
於名聲所去必遺其功利毗謠尚在時論可徵已踰書葬
之期謹舉易名之典謹狀元和三年四月日故銀青光祿
大夫守工部尚書致仕贈陝州大都督博陵崔公從外甥
朝議郎行尚書司封員外郎上騎都尉賜緋魚袋呂溫謹
上尚書考功夫立身之道始於君親中於其人終於其身

若府君者居喪有聞臨難有功善其始也勤於官業惠於
鰥寡敬其中也家事以理年至而退謹其終也率是三懿
光於前訓以咨諡法無愧至公謹狀

謁舜廟文

唐貞元十一年歲次乙亥十一月一日東平呂溫敢盟沐
齋潔敬謁於舜帝之神恭惟至仁無方大孝不匱德馨升
聞允釐百揆以聖授聖猶言厯試擇人之君良不可易聖
功無全相待而宣雷驅四凶靈起八元太冶陶土璿璣轉
天垂衣巖廟萬物浩然是稱至理是曰帝者混成雍熙永

錫大嘏乃眷南顧蒼梧之野歸堯鴻名付禹天下茫茫推
遷邈萬斯年三代之後誰爲聖賢政如頽波俗若壞山韶
樂猶在薰風不還於戲道有通變事有同異官帝家王隨
時之義揖讓而禪固非力致所以識者存而不議若輔相
之宜財成之規煥乎文章百代可知九官惟舊七政有彝
宏道在人太平無時如何後王曾莫是思甚易甚簡舍而
弗爲厯山歸然河水東注唐虞日遠楊墨誰拒瞻彼厯山
薄言往訴庶幾精誠必我依據假我以靈俾飛曾雲行神
之道以致吾君不然歸來鳥獸爲羣敢竭微志託於明神

華山醕王景畧墓文

唐貞元十五年十一月六日河東男子呂溫敬醕於苻秦丞相王公景畧之墓曰昔馬氏暴興世不及三拔根河洛遺枿東南鋸牙霆聲爭逐婪婪天下爲血晉猶清談帝命景畧被茲文武秉心無親用則爲主惟秦悼世求我草莽振衣投畚乃作雷雨雨莫不潤雷莫不震吸涼吞燕嚼魏舍晉海蕩風掃天臨嶽鎮功存生人是曰大順武功成矣文理定矣晏開太平垂及三紀子也無壽秦其不祀日沉天昏水竭龍死時更運改道厯消長屹彼壯骨沉爲朽壤

烈氣猶在英風可想雲開華山若見精爽樂毅佐燕功負
其名漢猶求後寵號華成曷如夫子翊運而行廓定八州
澤流羣生歷代王者追我聖明盛德未聞荒墳欲平我行
於東稅駕醜酒才何敢望數亦未偶終期自致窺子戶牖
靈魂若存死爲冥友

代宰相祭故齊相公文

維年月日某官某等謹以清酌庶羞之奠敬祭於中書侍
郎平章事太子賓客贈戶部尚書齊公之靈古人所難有
道有時唯公挺生克叶昌期雲引喬幹雷起幽姿禮義誠

衡文章元龜學覩儒奧政爲吏師金鏘遐音玉立清儀始
踐南宮洎在左掖麾幢符竹禮樂圖籍萎蕤焜燿出入揚
厯晦而逾明虛乃受益爰登大任光贊庶績棟材斯全鼎
味以適道始交泰志惟匪躬方盡嘉猷以奉時雍疾罷私
室寵賓儲宮日冀勿藥再諧至公如何忽焉降命不融竟
孤宸睠誰問蒼穹佑早辱見知深契風義耽獲同樞近備
得純懿珣瑜三河交代郢側兩掖聯事氣以正合情由道
至視孤有懷慟寢無媿龜兆叶吉素車東轅喉舌追命股
肱殊恩魂留魏闕形返周原凡我寮舊舉觴以言神聽不

昧知余所敦尚饗

代齊常侍祭樊襄陽文

維年月日某官某以清酌之奠敬祭於故襄陽節度使右
僕射贈司空南陽樊公之靈惟公直方忠厚沉敏肅給通
如川流守若山立精氣方運垂天難戢建中旁求策名帝
聰昌言右掖高步南宮爰膺使選將命序戎信在言前知
行誠中消息其用車書以同寇逼漢南乃佐戎律偏師靖
難全功受鉞兵荒之後政克畫一直繩威姦柔轡惠物一
臨荆門再撫峴陽積德逾紀闡然彌彰天不憖遺人之云

亡朝野震悼豈惟一方清永之後獲同王事相府之舉謬
厠公議重以中外綢繆親懿旋觀全才備歸精義交以義
合情由道至循躬雖虛望古無愧嘗言有德必錫永年元
聖是毗大猷于宣擊壤鼓腹吾將老焉今則已矣誰其問
天日月將葬哀榮式備禮有執紼官無離次闢寢流慟哀
何可旣遙申薄奠歆此精意嗚呼哀哉

祭陸給事文

維貞元元年歲次乙酉十月景申朔十日乙巳將仕郎守
尚書戶部員外郎賜緋魚袋呂某絜罇寘誠敬祭於故給

事中吳郡陸公之靈嗚呼噫噉道之難行古人所悲有時
無人有人無時時可人可則命奪之公初負道年志俱壯
已任致君指掌太平德宗旁求始賓明庭拔乎其倫聿駿
有聲實欲以至公大當之心沃明主之心簡能易知之道
大明主之道難得易失怡然退保或僂俛從事或棲遲却
掃二十年間爲郎而老嘗言吾雖已矣道不可已永懷其
人見而後死某以弱齡獲謁於公曠代之見一言而同且
曰子非入吾之域入堯舜之域子非觀吾之奧覩宣尼之
奧良時未來吾老子少異日河圖出鳳鳥至天子咸臨泰

金史卷之八十二 三十二
階清問理本其能以生人爲重社稷次之之義發吾君聰
明躋盛唐於雍熙者子若不死吾有望焉某也不佞謬納
大賢其何以充塞所知克當斯言姑用紳而書牘而藏傳
於子孫爲門戶光旣而各淪風波秦吾索居某非出處迫
屑無餘公高翔海郡與道虛徐猶念垂訓研覃若初作君
臣得失之圖成春秋不刊之書今年太皇繼天元聖在震
徵公夕拜侍講古訓皇王秘寶造膝而進以石投水至誠
無朕討論未竟公則旣病重光昇矣公病不起河海晏而
航楫自隳禮樂作而龜玉先毀與其時而奪其壽吾未知

夫所以嗚呼惜哉某奉使無狀閉留昆夷再換炎涼言歸
未期公方沉痾忘已之危念我否隔發言漣湏悉所著書
付予稚兒曰道之將興而父其歸懼不果待寓心於斯似
有明神感公所敦窮荒生還僅及公存綿頓在牀深堂晝
昏舉燭開目握手無言自此及終曾未浹辰凡曰識者孰
堪酸辛況予之情豈云他人涕盡一哀痛纏百身禮不忘
本卜歸江濱躬執薄醑心摧氣堙儻見期之言可徵平生
之志獲申呂氏陸氏戚休惟均魂而有知歆之聽之嗚呼
哀哉尚饗

祭座主故兵部尚書顧公文

維貞元十年歲次甲申月日門生侍御史王播監察御史
劉禹錫陳諷柳宗元左拾遺呂溫李逢吉右拾遺盧元輔
劍南西川觀察支使李正叔萬年縣主簿談元茂集賢殿
校書郎王啟秘書省校書郎李建京兆府文學李逢渭南
縣尉席夔鄆縣尉張隸初奉禮郎獨孤郁協律郎蕭節奉
禮郎時元佐滎陽主簿李宗衡前鄉貢進士鄭素等謹以
清酌之奠祭於座主故兵部尚書東都留守顧公之靈我
我靈山時雨將洩眈眈大厦崇構已設歲旱方極川流遽

關宏棟待施梁木斯折玉碎清瑩芝焚酷烈貞方獨留千
古不滅嗚呼哀哉伏惟公神氣輔質天降英靈剛健中正
內外和明岐嶷之初不教而成敦敏之後確然已貞霽霽
孤雲逸我高情昭昭白日懸我明誠志勵意深心融氣清
靖若翔隼藹若芳英於戲立人成身忠孝一美自古全者
一人而已明君得臣賢父知子公獨兼備敢陳終始厥初
知禮柔順義方年未逾卅道行於鄉盈庭之戲眾稚且狂
鴈管在身我獨矜莊沐浴風雨盥漱雪霜未薦甘旨未敢
衣裳斯惟至性厥有大孝乃揚儒風乃奉文教服勤之功

煥飾之効金石成聲縟麗開照越國山秀吳門水深句曲
宵朗湘沅夕陰怡神導和滌思凝心棄我奇寶鏗然至音
天寶季年羯胡內侵翰苑詞人播遷江潯金陵會稽文士
成林嗤銜爭馳聲美共尋損益褒貶一言千金洙泗之風
弊而浸淫我乃閉關響絕光沉藏輝必發含章以俟蛟龍
得雲平陸騁驚人或妙用我蘊成器人矜謏聞我愚大智
聿來膠庠厚此淳懿鄉選或競我則無愧芳桂盈手青霄
坐致春從王畿冬踐郎吏危險立則艱難見志諫草焚灰
絲綸深秘命官儲賢有國大備至公苟在淳化不墜朝選

精重睿思虔志繫於安危宏此教義我雖受命求人報天
工惟選藝器必搜賢松菊有烈薰猶在前妍媸自分衡鏡
高懸潛符希夷化若神仙道貫品類心冥陶埏歸吾至精
復命上元物不可棄道由爾全毛翔鸞鳳殼蛻龜蟬萬象
俱適三清晏然伊昔仲尼其徒三千命不可求文實在焉
微言僅存正氣莫宣用苟登席希徒執鞭曷如清時文柄
克專髦彥必舉典謨備甄中侍六載內朝十年三司秋賦
五掌春銓翼翼京師教化之先肅恭誠敬昭彰可傳在昔
成周左伊右瀍乃命保釐撫我三川資仁感義與道周旋

煥乎成功嶷若崇巔乃飾兵車兵利革堅乃修農畝闢隴
開阡榛穢荒蕪化爲良田汙潦溝瀆流爲清泉忠至誠達
思焦身捐醴甘必竭膏明乃然嗚呼哀哉駟騎霄馳皇慈
中激后復眞質皋還魂魄新命簫鼓舊原松栢陵谷可移
德音不易嗚呼哀哉播等援自諸生昇爲王賓念必期於
霄漢手親擢其泥塵播嘗再忝於科第始一命於朝倫感
自衷於誠接懼自已而情均或負知於一紀或登用於數
旬恨俱長而各異哀靡極而寧伸凡在京兆一十九人四
忝御史三爲諫臣孔門有光游夏修身遠莫雖設用茲慰

神馨香可薦醪醴方陳獻欵相從列拜斯文伏惟尚饗

衡州祭耆里渡溺死百姓文

維元和五年歲次庚寅十月戊辰朔十七日甲申刺史呂
某遣故衙前虞候何防以豚酒蔬菓致祭蘇昇陳演李寬
泰陳甫魯餘之靈爾等五人感余誠信力輸公稅爭赴先
期溪山阻深潦水暴至不忍欺我忘其險艱州令未明津
渡不謹致此淪逝咎由使君興言涕流痛念何及聊伸薄
酌兼致微贈代納殘稅皆余俸錢魂而有知諒此深意尚
饗

道州祭百姓鄧助費念文

維元和五年歲次庚寅五月庚子朔七日景午刺史呂某
遣衙前虞候蔣沼以酒脯之奠告鄧助費念之靈使君受
命牧汝不能庇護使賊孟鸞等敢作不道酷加殺害是用
疚心疾首萬計討擒廉使仁明不貸兇惡窮泉冤痛今日
方申慙念無及潛然泣下故令於汝歿處陳賊之屍魂而
有知歆此告酹嗚呼哀哉

祭侯官十七房叔文

維元和五年歲次庚寅九月戊戌朔三日庚子堂妹男朝

議郎使持節衡州諸軍事守衡州刺史上騎都尉賜緋魚
袋某鄉貢進士讓致祭十七房叔侯官府君之靈私門薄
佑終鮮諸父堂從之內唯叔一人少小相依筆硯同學永
言素契情實兼常早表誠言見托身事官孤力薄卒用無
成慙負幽明興言痛咽叔無允嗣後效何伸河中大塋禮
合塋祔十五房尚寓淮甸時力未并且於江陵謹議權厝
終期通歲異壤同歸皦日在天誓無二事嗚呼哀哉五湖
三湘前歲共入孤舟單旒今日何之慟決江津倍增摧慕
式具祖奠伏惟尚饗